

Naalakkersuisut siulittaasuat

Landsstyreformanden



Inatsisartunut ilaasortaq Lene Knüppel

§ 36 apeqqut nr. 2008-56 pillugu akissut

Inatsisartut oqaluttarfiannit danskisut oqalussinnaatitaaneq pillugu apeqqutigisatit Naalakkersuisut sinnerlugit matumuuna akissuteqarfigissavakka.

Aallaqqaasiullugu erseqqissassavara namminersorneq pillugu isumaliutissiissut aamma Namminersorneq pillugu inatsisissamut missingiut isumaliutissiissummiittoq isumalioqatigiissitamut ilaasortat Inatsisartuneersut tamarmik akuersaarmassuk. Taamaamat naatsorsuutigaa partiit tamarmik Inatsisartuniittut tapersersussagaat uagut kalaallisut oqaatsitta Namminersorneq pillugu Inatsisip akuersissutigineqarneranisut kingunilimmik isigineqalernissaat.

Apeqqutit:

1. *Namminersulivinnissamut siunnersuut Inatsisartunit akuerineqassagaluarpat inuit qinersisartut qinersimasaat allatut ajornartumik Inatsisartut oqaluttarfianniit qallunaat oqaasii atorlugit saqqummiussassaminnik saqqummiussisinnaajuarnissaat Naalakkersuisut qulakkeerusunnerlugu?*

2. *Inatsisartut ataatsimiinnerini kalaallisut qallunaatullu toqqaannartumik nutserisoqarneq aqcutigalugu malinnaaffigineqarsinnaajuarnissaat, kiisalu ataatsimiinnermut atortussat imaqarniliallu kalaallisut qallunaatullu allaqqanissaat Naalakkersuisut qulakkeerneqarnissaat isumaginiarnerlugu?*

3. *Inatsisartut 2008-mi Ukiaanerani Ataatsimiinnissaannut Naalakkersuisut oqaatsit ataatsimoortinneqarnissaannut inatsisissatut siunnersuummik saqqummiussiniarlutik pilersaarutigisaat Inatsisartunit akuersissutigineqassagaluarpat taava Naalakkersuisut oqaatsit ullumikkutut atorneqarnissaannik qulakkeerinissamik sulissuteqassanerlutik?*

Akissutit:

Apeqqutigineqartut ataatsimoortillugit akineqassapput, akissutigineqartummi tunngavilersuutaasullu assigiimmata.

Inatsisartut suleriaasianni § 53-imi aalajangersagaavoq, ” Inatsisartut ataatsimiinneri kalaallisut ingerlanneqartassapput, qallunaatulli malinnaaffigineqarsinnaassallutik. Inatsisartuni ilaasortaq qallunaatuinnaq oqaluttuuppat ataatsimiinnerit kalaallisut aamma malinnaaffigineqarsinnaassapput.”

Sags nr.

Dok. nr.

Postboks 1015

3900 Nuuk

Oq/tel +299 34 50 00

Fax +299 32 50 02

govsec@gh.gl

www.nanoq.gl

Ataatsimiinnermi atortussat allallu pillugit apequtigineqartut allat taamatutaaq Inatsisartut suleriaasianni malittarisassaqaqtitaapput.

Inatsisartut suleriaasiat Inatsisartunit aalajangersagaavoq Naalackersuisuniunngitsoq. Taamaammat Naalackersuisut apequtigineqartunit itnunut imatut qulanaveeqquisiinnaangillat. Tassami Inatsisartut Hjemmestyre pillugu inatsimmi aamma Namminersorneq pillugu inatsisissami killiliussat iluanni Inatsisartuni ataatsimiinnernut erseqqinnerusunik aalajangersaasussaapput.

Naggasiullugu oqaatigissavara apeqqutit taamatut ittut ilisimaneqartutut siusinnerusukkut inatsisartunit oqallisigineqartarnikummata. Namminersornerup eqqunneqarnera soorunalimi imatut kinguneqassaaq kalaallit danskillu oqaasiisa Inatsisartut oqaluttarfianniit atorneqarsinnaanerat siunissamittaaq oqallisigisariaqartassallutigu. Nunarsuarmi nunat allat amerlanerpaartaattulli qaqugu iliortalersinnaanersugut, tassa inatsisiliortuni allaffissornermilu oqaatsit pisortatigoortut kisiisa atortalerlugit, maannakkuugallartoq tunngavilersukkamik naliliivigineqarsinnaangilaq.

Inussiarnersumik inuulluaqqusillunga

Hans Enoksen

Naalackersuisut siulittaasuat